

台州外書卷十四

郡人戚學標鶴泉輯

男寶寧長川校字

古蹟志二

葛洪飛白書 海岳名言葛洪天台之觀飛白爲大字之冠古今第一柳公權書國清寺大小不相類費盡筋骨

智者大師手書

居易錄天台山高明寺有陳智者大

師書方等陀羅尼經四卷前三卷久亡宋僧元嘉靖中有大師書補完之別書後一卷以備亡失明嘉靖中有譚守取去大師手書一卷今存者皆元通書吳江潘

台州外書

卷古

古蹟二

一

簡討次耕遊天台見之云第四卷筆法精勁神采奕奕知譚所取乃元通書耳大師手蹟故在也

三體道德經

天台衆妙臺有八棱柱司馬子微朱漆

書三體道德經龍德中羅浮道士厲山木重寫其本藏之玉霄宮字畫奇古多說文汗簡所未有宋夏竦古文四聲韻所載天台經幢是也

元相公綸軸

揮麈前錄曾宏父守台日有筆吏楊滌

能詩言其外氏唐元相國之裔一日持告身來乃微之拜相綸軸銷金雲鳳綾新若手未觸白居易行并書畢文簡夏文莊皆有跋後爲秦熺所取

武肅王畫像 自武肅王下共像十二前卽五王次
則彭城郡公惟演父子後乃駙馬景臻至元孫象祖
小傳敘景臻以下五世皆窆於台吳思菴有跋

吳越王判狀 雲烟過眼錄天台謝奕修養浩齋所藏
虞永興頭眩帖顏魯公鹿脯帖及吳越王判狀等蹟
並賈師憲物後以送謝堂堂不能保以歸起翁

劉貢父帖 袁桷跋後云彭城劉舍人元祐二年與赤
城羅公適帖云相望累年不忘瞻渴蓋舍人守曹日
羅爲濟陰令極相得故羅以事罷歸卽抗章留之後
自開封推官爲府界提點刑獄其制詞曰強力民事

台州外書

卷四 古蹟二

知其要務亦舍人所爲也

慶國夫人手書 慶國趙夫人邢氏手書戒子婦一紙
存台州謝景英家謝趙出也陳止齋跋稱景英爲言
外氏丞相家法甚嚴故家典刑令人起敬

紹興賜麻 紹興口年勅呂頤浩所賜左僕射兼樞密
院麻詔今存台郡學前呂氏壘書係書詔之寶

九朝宸翰 淳熙間郡守熊克刻石置台學林師藏賦
詩紀其事

朱晦翁夜嘆長篇手跡 程秘跋黃岩謝耘家所藏
寧海官舍禊帖 李忠甫所刻定武本

世綵堂帖 賈秋壑刻其客廖瑩中精摹揚王用和工
鐫刻翻本淳化閣帖幾於亂真又家廟記諸刻俱精
絕一時北平孫承澤謂其風流博洽令當日不爲宰
相而但終學士院安見其不可傳耶

玉枕蘭亭 至正直記小字蘭亭南渡前未之有也賈
秋壑得一石枕光瑩可愛意欲刻蘭亭人皆難之忽
一鐫者曰吾能感其字法縮成小本體製規模當令
具在賈甚喜旣成宛如定武本而小字缺損處皆全
亦神手也 周公謹曰賈師憲蘭亭一百一十七刻
裝褫作十冊乃理宗內府所藏其中辛集有天台丁
多至八千篋

古篆十二冊 天台攝棗陽倅曹松泉所藏皆江南未
見者古石鼓文尙在卷末松泉亦工篆穆陵賜督府
詩字可尺許松泉效李陽冰體作一圖并古篆文十
二冊俱以貽之

金龜八字 定武蘭亭本景定中臨海董正翁楷爲公
田使時得之蓋已爲后族向氏用以殉葬後賊發若
水墓其棺上一榻盡貯平日所愛法書名畫賊不知
取此本亦在其中精神奕奕透出紙背與常本異因

爲尸侵氣不可近正翁作檀香函貯之但付之庸工
裝潢頗多裁損所謂金龜八字云見癸辛雜識

丹邱墨竹 敬仲善畫竹石得文同遺法明錢溥跋張
孟弼藏丹邱竹云當時李息齋似而不神趙松雪神
而不似惟丹邱得神於運筆之表求似於有迹之餘
六研齋筆記稱柯南宮晴竹一竿自然精采生動余
在曲阜孔氏見之自署五雲閣史有小印訓忠之家
又有印蘊真之壘圖書之府吾存其中游戲今古云
云 按吾台以畫竹名者宋則王卿月惺齋師廉宣
仲趙師宰隨之得徐熙之妙謝堂恕齋蘭竹松石清

雅可愛元則丹邱之外有姚雪心黃岩人竹亦宗文
湖州陶九成季父復初師李蘄邱父子僧一山叟居
西湖長慶寺能詩作墨竹或三二竿或百十成林不
見重複雜沓自外復有張秋泉真人墨蘭有名燕都
陳照磨立善墨梅與會稽王冕齊名今惟丹邱竹時
有見者餘俱如烟雲滅沒莫得而迹云 台州畫派
鍾隱後王惺齋柯丹邱爲大宗若衛九鼎明鉉師黃
孤雲界畫道士盧益修水僊學趙子固並天台人爲
元畫之卓卓者臨海張明卿亦工松石陶九成得法
舅氏其宗旨畧見書史薈要明仁宗時天台蕭本器

以畫見知楊東里然真跡頗難得并附記於此
方正學遺像 在曲阜衍聖公府哀衣博帶神體端肅
令人起敬與近時蔡陶山所繪體格天淵蓋孔氏先
有宦台者所得也

甲申十同年圖 圖中四尚書四侍郎一大學士一都
御史吾邑謝方石先生在焉方石白鬢微鬚挾卷而
坐相貌甚奇古時十人各繪一冊今僅見烏程閔尚
書後人所藏謝氏圖聞在天台某家云

關侯退倭圖 倭狀皆斷髮魁頭跣足趨捷能飛走所
用刀甚銛利忽行忽伏其繪漢壽亭侯像長鬚赤面

台州外書

卷四

古蹟二

五

金甲罩綠袍現身樟木上若統兵指揮殺賊賊望見
駭愕羅拜又爲邑人火攻賊宛轉就死及棄械逃生
狀一一情景逼肖周丹峯世隆筆也其事在嘉靖三
十一年壬子倭犯太平城幾陷神佑獲全

徐夫人手書佛經 在天台萬年寺毛西河詩話徐中
山夫人係商太傅女以閨秀爲越中領袖天台萬年
寺尼謁之驚爲妙色身如來化身但曼陀羅花恐非
人間宜有請書經懺悔夫人乃手書法華三部以一
付萬年寺藏之至今爲台山名蹟

范忠貞手蹟 康熙初忠貞公承謨撫浙至太平館費

氏邑舊家也有且園公題云喬木世家十年百年之
樹疎花小石一邱一壑之間墨蹟猶新